

21. ^{æek} korrika

2019ko apirilaren 4tik 14ra GARESTIK GASTEIZA



^{æek}
21. korrika
2019ko apirilaren 4tik 14ra
GARESTIK GASTEIZA



KLIKA KORRIKA 2019 B2 C1

KORRIKA bakoitza mundu bat da: bere ibilbidea du, bere mezua... eta, nola ez, bere kanta; 11 egunean, aldapan gora eta aldapan behera, gau eta egun, korrikalariak animatuko ditu. Euskal musikari ezagun asko aritu dira **KORRIKA** kantak sortzen: Mikel Laboa, Izaro, Ruper Ordorika, Afrika Bibang, Niko Etxart, Maixa eta Itziar, Gose, *Betagarri*... Aurtengoa, 12. **KORRIKA**ren kanta egin zuen musikari berak prestatu du, Fermin Muguruzak, *Mad Muasel* eta *La Furia* abeslariekin batera.

FERMIN MUGURUZA

Fermin Muguruza (Irun, Gipuzkoa, 1963ko apirilaren 20a) euskal musikagilea, abeslaria eta ekoizlea da. Gazterik hasi zen musika-munduan, eta, 1984an, **_(1)_**, *Kortatu* punk-ska taldea osatu zuen, Iñigo anaiarekin eta Mattin Sorzabalbererekin batera.

Taldea 1989an desegin zen, baina urtebete geroago, **_(2)_**, *Negu Gorriak* sortu zuen. Abentura hartan, Muguruza anaiek Kaki Arakarazo gita-rrista izan zuten bidaide hasiera-hasieratik. Aurrerago, Mikel Kazalis eta Mikel Abrego batu zitzaizkien, eta, **_(3)_**, euskal rockari egundoko astindua ekarri zion talde mitikoa osatu zuten. Izan ere, *Negu Gorriak* aitzindaria izan zen musika-estiloak nahasten eta teknologia berriak erabiltzen, eta eragin handia izan zuen ondorengo hainbat musiki-karirengan.

1996an, **_(4)_**, *Negu Gorriak* desagiteko erabakia hartu zuen boskoteak. Ordu-an, *Dut* taldearekin izandako elkarlan laburraren ondoren, bakar-kako bidea hasi zuen Muguruzak, eta, bide horretan, **_(5)_**, euskara aukeratu zuen komunikazio-tresna. Euskararekiko konpromisoaren erakusle, 12. KORRIKArako sortu zuen *Big Beñat* kanta dugu, besteak beste.

Musika sortzeaz gain, Muguruza beste hainbat arlotan ere izan da eragile. 90eko hamarkadaren hasieran, **_(6)_**, *Esan Ozenki* diskoetxea sortu zuen, hainbat lagunekin batera. Diskoetxeak zenbait talderen diskoak ekoitzi zituen **_(7)_**: *Wemean*, *Garage H*, *Todos Tus Muertos*...

Bere ibilbidean oso aktiboa izan bada ere, aspaldi honetan denon ahotan dago berriro Muguruza, bi arrazoiengatik: batetik, **_(8)_** *Black is beltza* filmagatik, hirurogeiko hamarkadako iraultzetara eta musikara eginiko bidaia animatua; bestetik, 21. KORRIKArekin kanta sortzeagatik, *La Furia* eta *Mad Muasel* artistekin batera.



MAD MUASEL

Mad Muasel artista erandiotarrak urteak daramatza musika-panoraman. 2009an, *Novato* musikariarekin batera, *Bumclap Teachers* bere lehenengo lana argitaratu zuen. Gaur egun, hiru disko argitaratu ostean, reggaearen eta dancehallaren nazioarteko erreferentzia da. Bere lan guztietan, **_(9)_**, kritika soziala, dibertsioa eta egiazaletasuna nahasten ditu musikari bizkaitarrak.

NEREA LORÓN, LA FURIA

Nerea Lorónek (Cascante, Nafarroa Garaia, 1983) *La Furia* ezizena aukeratu zuen, duela zortzi bat urte, **_(10)_**. Lehe-nengo diskoa, *No hay clemencia* izenekoa, 2013an argitaratu zuen Nafar Erriberako musikariak. Harrezkero, rap feministaren adierazlerik garrantzitsuenetakoa bilakatu da, feminismoaz, onarpenik ezaz, anarkiaz eta amorruaz mintzatzen diren hitz zorrotzak abestuz.

ONDOKO PASARTEAK MUSIKARIEN BIOGRAFIETATIK ATERA DITUGU. LOTU BAKOITZA DAGOKION ZENBAKIAREKIN, ADIBIDEAN BEZALA.

- | | |
|---|---------------------------------------|
| a. Donostiako Zinemaldian estreinatu berri den | <input type="checkbox"/> |
| b. taulara igo eta bere hitz borrokalaria abestea erabaki zuenean | <input type="checkbox"/> |
| c. <i>Kortatu</i> taldearen hasieran ez bezala | <input type="checkbox"/> |
| d. 20 urte besterik ez zuela | <input checked="" type="checkbox"/> 1 |
| e. Fermin Muguruza arduraduna zela | <input type="checkbox"/> |
| f. berriro ere Iñigorekin | <input type="checkbox"/> |
| g. berezko indarraz eta bihurrikeriaz batera | <input type="checkbox"/> |
| h. taldea maila gorenean zegoenean | <input type="checkbox"/> |
| i. bost musikarien artean | <input type="checkbox"/> |
| j. musikagintzan autogestioaren filosofiari heltzeko asmoz | <input type="checkbox"/> |

KLIKA KORRIKA 2019

Heldu da guztion andereñoa
Adi, adi, pasatuko dut zerrenda
Je suis *Mad Muasel*, oh la la!
Faty faty den soinua zabaltzen dut mundura.
Guztiok bat egitea ezinbestekoa
Bakoitzaren nortasuna errespetatzea
Motorrak arrankatzeko momentuko aukera
Gurea, herrikoa, KORRIKA!

Tipi-tapa, tipi-tapa lortzen merezi duguna,
martxan jartzen hasteko egintzazu KLIKA,
ez dugu presarik helburua argi dago eta.
Pausoz pauso, gure erritmora!

Gure erritmora
nire, zure, gure erritmora
KLIKA KORRIKA KLIKA,
GURE ERRITMORA
KLIKA KORRIKA KLIKA
KORRIKA!

Jai giroa, bero-beroa,
orain oraingoa, gero gerokoa,
oreka ez galtzeko oinarri sendoa.
Hauxe da gure leloa:
po-po-posiblea da klicka aldatzea,
elkarren artean konektatzea,
pra-pra-praktikatzea,
euskara gure artean bizitzea.

Lan (e)ta lan, banaka, taldean,
Aukeratu zure lekua bidean,
Herriaren arnasa sentitzen da
KORRIKA datorrenean.

Zu gabe, zu gabe, hau ez da posible;
orain, gaur eta hemen, dena da posible!

Gure erritmora...

Klicka, klicka!
Altxa ezkerreko besoa.
klicka klicka!
Orain altxa eskubikoa.
Klicka, klicka!
Antenak ditugu piztuta.

Klicka, klicka!
Gure sarea doa KORRIKA!
Klicka, klicka!
Euskal planeta ari da dantzan.
Klicka, klicka!
Betikoak ari dira guri sermoika.
Klicka, klicka!
Euskaraz egingo diet zirika.
Klicka, klicka!
Ikimilikiliklik...a!!!

Suaren erritmora, hitzari bide eman,
arbasoen dantzak, kulturaren gorputzean.
Kantauriko brisa, Bardetako ziertzoa,
gure borrokan tinko jarraitzeko hauspoa,
pista argituko duen metxa piztu dadila,
herri feminista eta askearen alde Klicka!

Lekukoa neskaxari emango dioten
amamek ahotsa altxatu dezatela ozen,
aterpea sentitzeko,
komunikatzen den herri bat ez da inoiz zatituko.

Erriberatik *la Furia* banator KORRIKA
Batu gaitezen guztiok, arma tiro Klicka!

Gure erritmora...

KORRIKA KANTAN ONDOKO HITZ HAUEK SINONIMOAK DITUZU.
BILA ITZAZU ETA IDATZI HEMEN, HITZ BAKOITZAREN ONDOAN:

ARINEKETAN:
DAITEKEEN:
EGUNDO:
GORDELEKU:
HAUTUA:
HOTSA:
IRMOA:
ISIOTU:
JOMUGA:
ZOLI:
ZIMENDU:

La Furia



Fermin Muguruza



Mad Muasel



04 Denbora-pasak

ZAZPI BAIETZ

ZENBAT DAKIZU KORRIKA KANTEI BURUZ? IKUSTAGUN! OSATU KANTAK:

1

Zuberotik hasita
aurtengo Korrika
bitxikeriak ditu
berekin hamaika
euskara indartzeko
manera polita
eta guztiontzako

- A) HORTXE DUGUN ZITA
- B) HAU DAGO IREKITA
- C) AURTENGO BISITA

2

Atzo ginen ume eroak
amets huts bateri lotuak
gizartearen emagalduek
buru bero eta harroak.

Gaur, aldiz, zara zuhaitza
mila hostoen lehen emaitza
gure izatearen hatsa

- A) ERDAREI DARIE KIRATSA
- B) GURE HERRIAREN BIHOTZA
- C) EZ HOR ZAITEZ GERA HOTZA

3

Bat korrika, bi korrika,
milaka korrikari,
euskal herri guztietan
denok bai euskarari.

Batzuk dira euskaldunak,
besteak euskaldun gai,
hizkuntzaren jatorria

- A) EZ DUGUNAK JAKIN NAHI
- B) EGUN DAGO AZTERGAI
- C) EZ DUGUNAK GALDU NAHI

4

Korrika goaz
iritsi arte
gure herriko helmugara
ta horretarako
lehen urratsa

- A) INDARTU BEHAR EUSKARA
- B) ATERA HADI KALERA
- C) BIHOTZA ETA ESKUAK ALTXA

5

Elorrixon AÑIKETAN ,
Donibanen _____ ,
Oñatin _____ ,
Arrasaten _____ ,
itsas aldean, berriz,
saltaka ta _____ .

- | | |
|--------------|-----------------|
| ANTXINTXIKIA | KORRIKA |
| LASTERKA | <u>AÑIKETAN</u> |
| TAKARRARA | |

6

Korrika badator...
Badator Korrika,
herri bat _____ .
badator eta Big Beñatentzat
beste ezinezko _____ ,
"Mundu bat bildu" _____ ,
ezin huts egin gure _____ .

- | | |
|-------------|--------------|
| MISIO BAT | DA KONTSIGNA |
| ANTIHEROIAK | MUGIMENDUAN |

7

Badakizu zein KORRIKA-
takoak diren aurreko
kantak?

1. _____
2. _____
3. _____
4. _____
5. _____
6. _____

ARIKETEN ETA DENBORA-PASEN ERANTZUNAK:
[http://www.korrika.eus/euskaltegi-
etarako-unitate-didaktikoak.html](http://www.korrika.eus/euskaltegi-
etarako-unitate-didaktikoak.html)

